



17702

kat.komp

I

Mag. St. Dr.

P

Polansky Ioan: Oratio funebris de  
vita et rebus gestis Illm<sup>o</sup> D. D.  
Ludovici a Mortzag. Palat. Culum.

finis desid.

PANEG. et VITAE

Polon. 4<sup>o</sup>N<sup>o</sup> 568







ORATIO FVNEBRIS  
DE VITA ET REBVS  
GESTIS

Illustrissimi Domini

D. LVDOVICI  
A MORTAG

PALATINI CVLMENSIS

Pocriwnensis, Graudentinensis &c. &c.

CAPITANEI.

*Scripta*

*a*

IOANNE POLANSKY.



THORVNII

AVGVSTINVS FERBERVS excudebat.

ANNO M. DC. XVII.





# XENOPHON

Orat. de Agesilao.

ORATIO IN LAVDEM HOMINIS OLIM  
VIRTUTE PRÆDITI ET VITA FVNCTI  
NON EST LVGVBRIS SED POTIVS EN-  
COMIVM. NAM PRIMVM DE IP SO  
COMMEMORANTVR EA QVÆ DE VI-  
VO PRÆDICABANTVR. DEINDE QVID  
A LAMENTATIONE LONGIVS ABEST  
QVAM GLORIOSA VITA ET MORES  
PRÆCLARI? QVID ENCOMIIS ITEM  
CONVENIENTIVS QVAM VICTO-  
RIÆ PVLCHERRIMÆ MAXI-  
MIQVE MOMENTI

FACINORAE

177025

BIBLIOTHECA UNIV.



JAGIELLONICAE



ILLVSTRISSIMO DOMINO  
D. SAMVELI ZALINSKY

PALATINO POMERANIÆ

Scarfouiensi, Iasencensi &c. &c.

CAPITANEO

Domino colendissimo.

JOANNES POLANSKY

SALVTEM ET FELICITATEM.



Vod plerumque omnibus ijs, qui lucubrationes suas in lucem edere constituerunt, vsuuenire solet Illustrissime Domine, vt hæc illis potissimum deliberatio difficilis sit, quos operi suo Patronos adsciscant, & quorum se præcipuè auctoritate tueri velint; id mihi hoc tempore, quo Orationem hanc funebrem prælo daturus eram, accidere non potuit: tibi enim debebatur, tuumque ipsa ultro, & sponte sua petebat sinum. Imago virtutum eximiarum viri præstantissimi Ludouici Mortesky gloriosæ memoriæ Palatini Culmensis in ea proponitur, & cui iustiùs dedicanda erat, quàm tibi, qui vt bonorum eius omnium per legitimas cum integerrima coniuge tua Zophia Morteska Ludouici filia superstitite hæres factus, ita virtutum eius successor & admirator extitisti? Egregia ipsius facinora, res & bello & pace præclarè gestæ, laudesque Ludouici singularihoc cognationis titulo communes tibi cum illo sunt, & iure igitur quasi hæreditario, quod de ijs scri-



psi, in tuam item clientelam, patrociniumque trado.  
Quid, quòd periti pictoris more, qui in suis operibus  
id saepe efficit, vt in eis plus aliquanto intelligatur,  
quàm aut penicillo exprimatur, aut ab alijs videatur,  
quod de Tymanthe nobilissimo eius artis Magistro à  
Plinio proditum est, ita Ludouicum laudaui, vt ex  
eius laudatione magnis ac sapientibus viris amplius  
aliquid cogitandum, quàm aut à me dictum aut ex-  
pressum esset, relinquerem? Fateor scilicet (neq; ea  
culpa vlla est) ita me in Ludouici præclaris facinori-  
bus depingendis versatum esse, vt eadem simul opera  
alijs indicare voluerim, quid, aut qua ratione ab hoc  
exemplari mutuari, ac in seipsis effingere deberent;  
quouè potissimum modo cum laude vel in sago, vel  
in toga versari, Patriæq; bonos, ac vtilis ciues se præ-  
stare possent. Vt hoc etiam nomine meritò tibi con-  
secrandum hoc quale quale ingenij mei opus cense-  
rem, qui & ipse ciuis optimus esse, & alijs tuo exemplo  
in dignitate ceu specula vel editiore loco, in quo ab  
omnibus videri possis, constitutus, vt bonorum ci-  
uium nomen laudemq; mereantur, præire studes. Ac-  
cipe igitur Illustrissime Domine exiguum hoc scriptum  
meum, & si ideo, quòd ab exili ingenio profectum est,  
aspernaris, ob Ludouici tamen memoriam, de quo  
quæcunq; & à quocunq; dicuntur tibi non gratissima  
esse non possunt, & ob argumenti dignitatem ne de-  
spice. Vale Illustrissime Dñe. Torunij XIII. Kal. Febr.  
Anno M. DC. XVII. ORA-



# ORATIO.



Eterum monumentis consignatum accepimus Auditores, priscis illis & antiquis Thracibus in more fuisse, & apud posteros eorum deinceps omnibus retroactis seculis viguisse consuetudinem, ut eos, qui lucem hanc primum ex utero materno profilientes spectare cœpissent, & vitam mortalem auspicarentur, luctu lamentisq; exciperent, rursus exeuntes e vita gaudio, gratulationibusq; prosequerentur. Dum enim illi animo reputarent, quàm calamitosa sit omnis humana vita, quamq; multas periculorum, casuum, incommodorum, morborum, iniuriarum myriades secum trahat, infelices censuerunt qui illam ingrederentur, felicissimos illos, ac beatos, qui ea perfuncti diem suum obiissent. Itaq; nulli in morte eorum luctus, nullæ acerbæ complorationes, tristesq; nœniæ edebantur: aberant Præficæ, quæ mercede conductæ gemitus & lachrymas cierent, & lugubri præeuntes carmine ad fletum hortarentur, omnis eiusmodi dolor, ac tristitia exulabat: sed omnia faustis acclamationibus personabant, omnia ad lætitiā & quasi festiuitatem accommodata & facta visebantur. Horum ego institutum si non tantum laudandum, sed etiam vobis imitandum persuadere hoc tempore conarer, non putarem me quidquam alienum ab officio meo acturum, nullamq; iniuriam viro huic laudatissimo Ludouico Morteski, cui hodie more ritusq; Christiano iusta & supremum honorem persoluitis, facturum. Neq; enim ideo solum lætandum vobis esset, quod varijs incommodis atq; calamitatibus ærumnosæ huius vitæ subductus est, & exutus mortalitate nostra beatam illam & omnibus bonis affluentem immortalitatem adeptus est, &



quæ molestiam afferre poterant videre desijt, sed iccirco etiam quia vita eius laudabiliter acta nihil minus quàm lacrymas, aut luctum desiderat, & res ab eo præclare gestæ non lamenta, sed publicam lætitiā suo iure efflagitant. Florentur ignaui qui nihil vnquam præclari, & laude dignum gesserunt, & quorum omnis memoria simul cum vita aboletur, at non ita vixit Ludouicus Mortesky, vt ne eius fama & nominis celebritas ad posteros vsq; extenderetur. Ergone ad lætitiā vos cohortabor? atqui nouum hoc & ab expectatione vestra ac de siderio perquam alienum. Dumenim omnium vestrū vultus, oculos, atq; ora intueor, facile coniecturam, capio, quantum vnicuiq; vestrū mœroris ac tristitiæ intra intima animi viscera resideat; simul & illud intelligo nihil magis vobis acceptum, iucundumq; fore, quàm si vos ad lætitiā impellam, à luctu auertam.

Oderunt hilarem tristes — — — — —

& importuna omnis in luctu musica. Ita scilicet factum est Auditores, vt vbi fructum lætitiæ decerpere debueratis, ibi materiam luctus ac doloris inueniretis: fit enim sæpe vt quorum præsentia aspectuq; recreabamur, ijs è vitæ statione abire iussis, licet optimè cum illis agi sciamus, beatosq; esse non ignoremus, tamen ob eorum absentiam vehementissimè excruciemur, & modum lacrymis ponamus nullum, neque tam quid illi consequuti sint, quàm id quod nos amisimus, attendamus. Grauis admodum illa, & à vehementi animi commotione profecta Euphrantis Syri querela est, qui accepta vxoris morte, cum magnitudinem vimq; doloris ferre non valeret in eas tandem prorupit voces; O Philosophia Tyrannica, sunt tua præcepta, amare iubes, & si quis amiserit quod amabat, dolere prohibes. Equidem sic ego statuo Auditores neminem in vniuersa hac concione, nobilissimoq; cætu vestro reperiri, qui non impensè Ludouicum Mortescium amaret.

nam



nam frequens hic concursus vester ad iusta peragenda certissimus testis est vestri in eum amoris, perpetuæq; ac constantis beneuolentiæ; quem ne lugeatis egone persuadebo? non est hoc vel virium mearum, vel auctoritatis vestræ. Mæstissimi consanguinei hominis priuati verba sat scio non admittent; Philosophiæ, hoc est eius scientiæ, quæ in affectibus domandis versatur, spectatissima hæc matrona Zophia Zalinska ob carissimi parentis mortem dolore victa rationes & consilia non audiet; vos porro omnium Ordinum homines, qui vitam diuturniorem Ludouico precati estis, eius interitum me flere prohibentem etiam grauatè, grauiterq; accipietis. Deum enim immortalem qualem quantumq; virum amisimus! Sapientissimum, prudentissimum, fortissimum, æquissimum, integerrimum, verbo vnico optimum Senatorem & ciuem Reipublicæ. Ereptus est Ludouicus Mortesky ob maiorum gloriam maximè illustris, ob integritatem vitæ atq; constantiam commendatissimus, ob morum suauitatem vnicuiq; carissimus, & desideratissimus. Multum huic oræ, cui Palatinus summa cum auctoritate & imperio præfuit, atque adeò vniuersæ Prussiæ cum illo decessit. Augustissimi Collegij Senatusq; Borussici pars pene præcipua, patriæ singulare decus, & ornamentum interiit, Reipublicæ vestræ, Senatores amplissimi lumen, illustre lumen cheu extinctum est. Dira mors, dira mors inuidit hanc lucem diutius orbi Prussico. Nihil igitur mirum est Auditores sic omnium animos tristi silentio ac mœstitia tacita defixos esse in hoc tam graui acerboq; casu: illud simillimum portenti dicerem, si quem è numero vestrum à dolore vacuum viderem, nec tanti viri mortem deplorantem. Ego ipse tam durus esse non possum, vt aut vos à lacrymis oratione mea citò retraham, aut vobiscum non acerbius illacrymem. Atq; vt maius etiam desiderium Ludouici extincti in vobis exsuscitem statuam hoc loco stupendam  
quan-



quandam eius viuentis effigiem, atque pulcherrimarum eius virtutum imaginem proponam : ita verò proponam vt insigniores viri boni patriæque amantis ciuis notas quasi sub aspectum positas videatis.

*Dan. 2.*

Rex Babyloniorum potentissimus Nabuchodonozor, vt diuinæ testantur literæ, cum in conclauī vbi respirare, & Maiestatem suam ab onere fessam releuare consueuerat solus sederet, inque regio lecto animum per somnum à curis vacuum haberet, visus est sibi vidisse imaginem quandam mole & compositione sanè prodigiosam aureo capite, pectore & brachijs argenteis, ventre & femoribus æreis, tibijs ferreis, pedibus partim ferreis, partim fictilibus elaboratam. Quam dum diligentius intuetur, ipsiusq; formam stupet, & variam illam ac multiplicem admiranda arte metallorum vnus cum alio per mixtionem considerat, ecce tibi repente conspicit de monte lapidem sine manibus abscindi, qui percussa basi imaginis, atq; omnino comminuta imaginem ipsam deiecit, statimq; ferrum, testa, æs, argentum, & aurum omnia quasi in fauillam æstiuæ aræ redacta à vento correpta, dissipataque euanuerunt. Expectatis fortassis Auditores vt quatuor amplissimorum, quæ priora secula viderunt, imperiorum sibi ordine certo succedentium metamorphoses, ac vicissitudines hoc viso tanquam sigillo inuolutas, ac consignatas proponam, vobisq; explicem. Hoc verò non est mihi in præsentī negotio propositum : alijs ista relinquo neq; pertimescam, si aliud nunc ab illis sensero, me grauiori censuræ locum vllum relicturum. Adeste animis quotquot corporibus adestis & ad ea quæ iam dicturus sum diligenter attendite. Ego igitur, vt ne vos suspensos diutius teneam, dum viri præstantissimi Ludouici Morteski res, ab eo præclare gestas intueor, vitamq; laudabiliter actam & laudabili fine commendatam, considero, tum verò etiam officia, dignitates, ac honores, qui magnis



magnis eius in Rempublicam, ac Patriam suam terram Prussiae promeritis collati fuerunt, perpendo, denique familiae splendorem, maiorum stemmata, ab auis atavisq; transmissam laudem, gloriamq; per annos circiter quingentos propagatam, in memoriam reduco, videre mihi videor huic quam dixi simillimam imaginem, in qua aurum, argentum, & cetera nobiliora metalla singulari quodam artificio permixta in vnum coiere, & vnam induere formam. Quid enim Auditores illustres illi syncerae religionis, pietatis, integritatis, constantiae in omni fortuna secunda, ac aduersa, amoris in Patriam, cuius luculenta, & manifesta vos ipsi indicia tenetis, modestiae, prudentiae, ceterarumq; virtutum radii nonne aureum vobis caput exprimunt? Insignia illa honorum, quos indueris Prussiae nostrae locis gessit, seu dum Pomeraniae, seu dum Culmensis Palatinum ageret, quid aliud vobis merito videri possunt, quam pectus & brachia argentea? Familiae claritas ac vetustas, generis amplitudo, maiorum imagines, quaesitum labore decus, nominis celebritas non tantum Prussiae, sed vniuersae etiam Poloniae notissima, ac in remotas, atque a solo nostro alienas regiones longè lateq; diffusa, nonne aeri ob sonum & concentum, quem dum pulsatur edit, alijsq; istiusmodi nobilioribus metallis persimilis est? nonne ferro conferenda, quod diutissime durat, & non tam facile atteritur, vsuq; ipso fit nitidius & maiorem ab eo splendorem acquirit, tantum abest vt detrimentum accipiat? Verbo dicam Auditores imago haec Ludouicus fuit vir praestantissimus, & omnium seculorum memoria dignissimus, vitae integritate, virtutumq; verè Heroicarum, ac rerum praclare gestarum gloria, tanquam auro purissimo; honorum, officiorum, & dignitatum, quas summas in his terris gessisse eum, nemo est qui ignoret, ornamentis tanquam argento; profapiae generisq; nobilitate, & ea, quam apud omnes habuit ex-



istimatione tanquam ære, reliquisq; metallis insignioribus exornatus. Omnia Auditores in hac imagine pulchra, omnia venusta, & dicere audeo si diuturnitatem habuisset, nullam vnquam pulchriorem, aut perfectiorem imaginem vidisset. Prussia. Duratura verò etiam illa fuit, nisi mors, quæ pulchritudini ac decori eius pridem inuidebat, illam ea parte, quæ maximè infirma erat, aggressa fuisset. Audite, audite & lugere vicini Pomeraniæ populi, audite quicumq; Prussiam inhabitatis incolæ & pulcherrimæ huic imagini caput inclinanti, ruenti, in terram prolapsæ collachrymamini, communemque omnium vestrûm casum ingemiscite. Lapis, delapsus eheu ex alto lapis ille mortis, cuius vim ne ipsi quidem, qui nutu frenant orbem terrarum Principes, ac Monarchæ, effugere possunt, vehementi impetu, ictu valido, & conatu quo potuit maximo, non iam malum imagini minatus, vt paucos ante menses, quando Ludouicum periculoso tentauit morbo sui funesti non multo post aduentus prænuncio, imaginem. Auditores, imaginem nobilem, pulchram, visu aspectuq; iucundissimam, vobis omnibus gratissimam solo prostrauit. O plagam luculentam, ô damnum graue. Quid mirum, si vobiscum ô mæstissimi coniuges, ac tecum inprimis nobilissima Zophia Zalinska, quæ præ dolore ægrè vitam ducis, luceat vicina Pomerania, si Cassubij, si Culmenses, si vniuersa familia, quæ vt in vno Ludouico tota viuebat, ita in hoc magna cum omnium bonorum commiseratione interiit, & eodem cum illo funere elata est, acerbissimum edat eiulatum, si tota Prussia in lachrymis luctuq; versetur, si cuncti fordibus ac squallore contabescant? Multis hæc imago iucunda fuit, omnibus vtilis, pleriq; dum illam intuebantur ita sæpe comparati animo abibant, vt quod in ea pulcherrimum, & imitatione maximè dignum videbant, in se effingere studerent. Actum est deiecta est, cecidit imago, omnis decor eius abolitus & ab-

latus



latus est. Et videte obsecro Auditores quàm maligno ad  
perniciem consilio inuida mors vsa est, quàm fraudulenter  
egit. Perspiciebat si in caput aureum, si in argenteum pectus  
& humeros, si in femora ærea, si in ferreas tibiae impetum fe-  
cisset, lapidemque iecisset, futurum fore vt resiliret, omnisq;  
ille ictus ac conatus irritus inanisque existeret, proinde non hac  
ratione victoriam sibi quærendam censuit; in illam partem,  
quam debilem & maxime infirmam vidit, vi tota ac pondere  
suo incubuit, pedes inquam fictiles, quibus tota imago tan-  
quam fulcris sed non bene solidis nitebatur, percussit, eam  
scilicet hominis partem, quæ varijs mutationibus, & ipsi  
adeò mortalitati obnoxia est. Priora illa, heroicæ virtutes,  
res præclarè gestas, dignitates amplissimas, famam, & nomi-  
nis celebritatem, quia immortalia sunt, & vim eius longo in-  
teruallo superant, attingere ausa non est, corpore, quod so-  
lum mortale ac caducum erat, maior & valentior esse potuit.  
Vos verò nobilissimi Auditores per Deum immortalem nolite  
facere, vt mors hac in parte de vobis gloriatur & triumphet.  
Supponite manus, aut si iam imago pulcherrima corruit eri-  
gite, erigite si licet, sin minus in eam oculos, aciemq; mentis  
vestræ intendite: eaq; seu virtutum, seu laudum insignia,  
ex quibus aduersus nouercalem obliuionem sempiternum,  
seculorum admirationi monumentum erigi, trophæum de  
morte poni solitum est, mecum diligentius inspicite. Postu-  
labat quidem ordo Orationis, si non tumultuariè agere, &  
certum quendam modum in dicendo tenere debuimus, vt ab  
illustri prosapia, & dignitatibus initium sumeremus; sed quia  
in imagine contemplan-da occupati versamur, illam ipsius  
partem, quæ principem in ea locum obtinet, singulares nimi-  
um virtutes, quas aureo capite significari diximus, primò  
quoq; intuebimur. Verum vnde hîc potissimùm incipiam,  
aut ordiar? Desideratis opinor scire Auditores quibus stu-  
dijs



dijs tota vita Ludouicus deditus fuerit, morem geram, & desiderio vestro libens parebo. Omnis vita humana tribus potissimum partibus continetur, & quasi quibusdam gradibus distinguitur, pueritia, virili ætate, & senectæ, quarum tantus est inter se nexus, vt duæ hæ posteriores à priori dependeant. Nihil enim animis hominum magis adhæret, quàm id, cui à teneris consuecunt, proindeq; si quid eis noxii, dum adhuc molles sunt, ac teneri, immisceatur, non minus in eis ad æternitatem valebit, quàm si furculum veneno inficias, qui in maximam arborem crescat, vnde tandem fructus enascentes, & sint mortiferi vtentibus, & seminibus nihilo melioribus materiam præbeant copiosam. Themistocli quidem Pædagogus dicere solebat: nihil mediocre futurus es ô puer: nam aut magnum bonum eris Reipublicæ, aut magnum malum. Generosa videlicet indoles si accedat recta institutio, magno bono est patriæ, sin ad vitia degeneret, ingens adfert malum: difficulter eradicatur quod rudes animi perbiberunt: recens testa diu & saporem retinet, & odorem, quo primùm imbuta est. Quod cùm vir clarissimus Melchior Morteski, eius Ludouici de quo agimus, pater cognitum perspectumq; haberet, ne illi igniculi atq; scintillæ bonæ mentis, quæ in florentissimo iuvene subinde erumpere, & luce sua astantes perfundere videbantur, vitio deprauatæ educationis opprimerentur, in eam curam, cogitationemq; grauius, ac seriò incubuit, vt ne eas in puero moribus corruptis extingueret, sed virtutis honestarumq; actionum exercitatione confoueret, ac his quasi flatibus accenderet. Magna quædam vis est educationis in vtramq; partem, vt nec à recto vnamquam vel tantillum de flectere is, qui à iuuentute statim optimis moribus imbutus, institutusq; est, nec ad virtutes capeffendas animum adferre possit, cuius ætas tenerior multis sit, & magnis vitijs deprauata. Enimuero nulla instior aut  
melior



melior (vt mea quidem fert opinio) causa excogitari fingi-  
potest, cur plerumq; iuuenes, quos loco illustri natos noui-  
mus, acceptam à maioribus laudem, & gloriam non tantum,  
non illustriorem reddiderunt, sed & obscuram suis ipsi flagi-  
tiji fecerunt, illamq; generis claritatem, cui lucem aliquam ad-  
ferre debuerunt, turpi & probrosa vita extinxerunt, quàm  
quod in magna vitæ licentia educati, & nulla olim sanctiore  
disciplina exculti fuerunt. Sed ego vos moneo obtestorq;ue  
Auditores vt nihil eorum, quæ in alijs grauius reprehendere  
soletis, dum de Ludouici institutione differentem me auditis,  
cogitatis. Vnicum pater habebat, nec vlla facilis spes am-  
plius procreandæ sobolis masculæ apparebat, iamq; eo ven-  
tum fuerat, vt in eo solo nobilissima, & quæ à quingentis cir-  
citer annis ortum suum numerat, illustrissima Mortesciorum  
familia penderet, cumq; vnicus duntaxat superesset, in quo il-  
la spes omnes suas reposuerat, ac augurabatur fore, si eum  
florentem videret, vt ipsa quoque adhuc refloresceret, nullam  
habere poterat parens causam, cur non plusculum illi indul-  
gere, cur non hoc vno nomine maius quiddam ceteris conce-  
dere deberet, cur non mollem illam, & omnibus affluentem,  
delitijs educationem daret: & tamen æquiore animo laturus  
erat familiæ suæ interitum, quàm si aliquid ei voluptatum de-  
liciarumq; quæ vitiorum alimenta putabat, permitteret.  
Itaq; ferre non potuit, vt inter ociosorum & nullius frugi ho-  
minum turbas adolesceret, sed eos illi comites adiungere ma-  
luit, qui quâ doctrina, quâ exemplo tenero ipsius animo pie-  
tatis, ac omnis probitatis documenta suauiter instillarent, id-  
que semper egit studiosissimè, vt primam illam ætatem non  
ad lautitias epularum, sed ad simplicem victum, non ad lu-  
xum, sed ad frugalitatem, non ad temeritatem & audaciam,  
sed ad modestiam & verecundiam assuefaceret, & si vnquam  
ab orbita recti aut honesti deuiaffet, seuerioris animaduersione



nis metu in viam reduxit. His moribus imbutum, atq; hac sanctissima disciplina probè excultum, cum indolem ad maiora etiam præse ferre, præclaraq; excellentis eius ingenij ac memoriæ indicia videret, gaudio bonus pater gaudebat incredibili. Statuit præterea non intra Sarmaticos iam, aut Prusiacos tantum fines illum continere, sed in Germaniam, aliasq; orbis Christiani partes mittere, vt hac potissimum ratione varios populorum, nationumq; mores, & instituta pernosceret, linguarum peritiam acquireret, adiumenta præsidiaq; vitæ deinceps laudabiliter transigendæ compararet. Possem non paucos hoc loco recensere, qui eam peregrinationem modis omnibus dissuadere, ac impedire conabantur, alij viarum, & longioris itineris pericula opponebant, infinita, alij incommoda cumulabant, & molestias, quas ij qui exterarum nationes lustrare in animo habent, perferre coguntur, enumerabant, instabant alij nulla ratione committendum esse, vt iuuenis ille qui vniuersam familiam fulcire, & propagare debuit, procul à patria cognatisq; degeret, alij alia, omnes sedentarij illius Poëtæ carmen occinere.

*Felix qui proprijs æuum transigit in agris*

*Ipsa domus puerum quem videt, ipsa senem*

Quem obsecro Auditores ista non mouerent? & tamen perstabat in sententiâ pater, nec vllis quantumuis magnorum virorum persuasionibus à proposito abduci potuit. Ita consilij tenax in Germaniam illum abire, & Viennæ, vrbe re literaria florentissima, commorari iubet. Quid cogitatis Auditores, quid exspectatis? Fortassis enim quia longè à domo, longè à conspectu parentis degebat, aliquid à consueta vitæ ratione deflexit, & de vsitato virtutum, probitatisq; studio remisit, mollitem ac inertiam consecrabatur, genio indulgebat, ocio torpebat? Detestanda ista ignauorum iuuenum, qui nimio laboris tædio superati, torporis, ac desidii amantiore sunt,



sunt, consuetudo, ab excessu illa & præstantissima indole,  
qualis erat in Ludouico nostro, semper aliena fuit. Nunquam  
illum videre quisquam potuit, nisi vel in præceptis sapientiæ  
versantem, vel ea quæ audiuit à doctis reuoluentem, vel de  
rebus arduis differentem, & modo veterum monumenta euol-  
uebat, modò grauissimas variorum auctorum sententias me-  
moriæ imprimebat, modò scitè sapienterq; dicta factaue ex-  
pendebat. Historiæ certè, quam vitæ magistram cum Tul-  
lio nuncupabat, ita deditus erat, vt non nili ægrè ab eius le-  
ctione diuelli potuerit. Deniq; eam scientiam, quæ ius suum  
vnicuiq; reddendum docet, & iustitiæ, sine qua nec vita ciui-  
lis vlla ratione consistere, nec Respublica conseruari aut flo-  
rere potest, partes atq; functiones persequitur, ita sibi fami-  
liarem fecit, vt ex eius quotidiano vsu magnos prudentiæ  
thesauros collegerit, & singularem facilitatem ad disceptati-  
ones olim de rebus grauissimis, & difficillimis ex æquo ac iu-  
re finiendas, compararit. Quia verò eius ciuitatis ac Reipu-  
blicæ ciuem se esse agnoscebat, quæ non solum optimis legi-  
bus constituta & firmata, sed belli etiam studijs, armisq; glo-  
riosum nomen toto orbe adepta, & consilium à ciue suo in  
pace, & fortem in bello dexteram requirebat, ideo in ijs quo-  
que artibus magno suo cum emolumento versari voluit. Pro-  
inde in aulam Christianissimi Imperatoris sæpe diuertebat, &  
in eorum familiaritatem atq; amicitiam se insinuabat, qui ar-  
te militari præ ceteris videbantur excellere, vt ab illis in ho-  
stes instrueretur: ergo in flectere equos, hosti assilire, defili-  
re, in gyrum ducere, habenas laxare, in medio cursu inhibere,  
arma tractare, gladium rotare, vulnus infligere, repellere, tela  
iacere, ad scopum iaculari, hastis concurrere, acies instruere,  
milites in ordinem componere, castra metari, & alias exercita-  
tiones ita percalluerat, vt non immeritò illi conuenire posse  
videretur, quod Statius de Achille dixit.



*Jamq; & ad ensiferos vicina puberum tumultus  
Appabar, nec me vlla feri Mauortis imago  
Præterijt: didici quò Pæones arma rotatu,  
Quo Magetæ sua gescitent, quo turbine castrum  
Sauromates, falcemq; Getes, arcumq; Gesenus  
Tenderet, & flexæ Balearicus auctor habena,  
Quo suspensâ trahens libraret vulnera tractu  
Inclusum quoties distringeret aëra gyro.*

Hanc Auditores viuendi rationem semper tenuit Ludo-  
uicus dum extra patriam degeret: nihil otio, nihil leuitati, ni-  
hil ignauia datum est, hoc illi studium vnicum curaq; fuit,  
vt virtute & doctrina conspicuus domum reuerteretur. Atq;  
cum iam reducem illum videret ipse pater Pociuwnensis Ca-  
pitaneus, audiretq; comparata Sapientia sapientissima dicta,  
sepe ad eos tacitus, qui profectiorem hanc oppugnabant di-  
xisse fertur: quantum, o amici bonum importuna vestra con-  
silia mihi eripere voluerunt: magnas tibi Deus immortalis  
ago gratias, cuius prouidentia factum est quòd amicorum  
persuasionibus non acquieuerim. Ac ille quidem iam totius  
vitæ antea actæ vberissimum fructum retulit, quando & talem  
filium, vt opum ac bonorum omnium hæc edem, ita virtutum  
successorem reliquit, & alteram nunquam pro dignitate lau-  
dandam filiam, quæ repudiatis seculi voluptatibus, sanctio-  
rem vitam complexa, virginitatis florem æterno illi Sponso  
consecrauit, & Antistita in Culmensi monasterio creata mul-  
tarum religiosarum Deoq; dicatarum virginum mater extitit.  
O prædicandam & nullis vnquam intermōrituram seculis li-  
berorum educationem, qua pius genitor id perfecit, vt fili-  
um Reipublicæ, patriæq; bonum ciuem relinqueret, & filiam,  
quam mundo gentierat inter Regias Christi sponsas annume-  
raret. Sed de Religiosissimæ huius virginis laudibus, hoc  
loco plura dicere necesse non est, nam, nisi me iam præsaga-  
mens

*11. 55*







